

詩

虛白堂集
一

盧成
白倪
堂主
集

虛白堂集重刊序

國朝文衡家以第踵兄以父傳
子者未有如虛白堂成公之為
盛蓋我旁祖恭度公五世本文
科大小官凡十六人又有蔭而
相若宰者其盈盛如此物盛則

衰理之常也夫以虛白公文章
德業之緒而後承之堙替已久
矣遺集亡佚世無傳焉特賴祕
書之藏近有謄傳數本吾族姪
古芸載崇博雅好古士也求得
一本訂正訛謬手寫成帙其意

勤矣羅州成載恒取以為重鉞
國恒是公十二代孫與同鄉族
親數十家銳意經紀六閱月而
秀告訖編仍其產屬不佞叙其
事願以眇末後生其敢發揮古
名碩大手筆辭而讓諸當世鉅

匠然猶謂微信莫吾宗若強之
甚力遂不敢終辭噫傳曰先祖
有善知而不傳謂之不仁又曰
久而不廢之謂不朽哉恒以窮
鄉屨孫乃獨傳其義而興其廢
非賢且孝而能之乎以之清父

鴻藻間見於朝野傳記而今其
篇什之富大鳴國家之盛者復
得照人耳目以考德論世則不
惟使今之操觚之士得以知文
章必源乎六經言語必本乎德
行濯磨日新挽回大雅而已為

造齋者讀十箴十端之文而思
有以勉勵之揚誦春暉月波之
作而思所以振起衰墜則有是
哉斯集之勸孝也安知非剝極
必復之幾歟歲壬寅五月乙亥
宗後生近點謹序

目錄

詩集十四卷

補集五卷

風雅錄二卷

拾遺一卷

文集十四卷



虛白堂詩集卷之一

男 世昌 編集

詩

擬古十首

行行重行行歸路阻且遐
長河拖素練疊嶺浮青螺
去家數千里瓜期忽蹉跎
潛鱗失深潭飛羽迷舊柯
百憂萃中腸心緒如驚波

青青河畔草荷儻春風枝大堤樓上女濯濯笑容姿
自言良家子誤嫁輕薄兒郎歸久不返獨坐守空帷

織錦不成章
蒲襟雙淚滋

冉冉孤生竹
生此雲山嶺
根緣巖石間
性耐風霜冷
挺挺抱貞操
虛老無人境
薄俗日溷濁
紅塵眯金井
不貴歲寒姿
共憐桃李影
獨立竟何裨
隱憂劇舍梗
庭前有奇樹
翠葉何萎蕤
秋風吹嫋嫋
零露費華滋
西山衆鳥羣
翩翩日來斯
孤鸞困側翅
不許棲一枝
榮悴自有時
蹭蹬將怨誰

今日良宴會
嘉賓滿高堂
綺肴映雕俎
綠酒盈金觴
左右燕趙妓
眉目婉清揚
徐徐攘皓腕
操瑟理宮商

流年雙轉轂倏忽兩鬢霜相逢且爲樂何用苦慨慷
金章滿朝貴畢竟歸北邙

西北有高樓玲瓏映雲漢珠箔褰繡牖金屏隱翠幔
美人居上頭鸚鵡同作伴手挽緋桃枝瓠羣開笑粲
望之若神仙愧我混塗炭雲路仰冥冥雙飛無健翰
人生不滿百愁多歡趣少局促利名場何殊韁絆繳
髮素難再玄顏皺不復皎會須真清搏親朋作羅鳥
可笑乾沒徒蠅營錯昏曉

涉江採芙蓉登山蹇薜荔幘二影搖風馥馥香惹袂

欲見所懷者佇立雲之際雲深人不來側目將何逝
凜上歲云暮蟋蟀鳴中堦鳴聲一何悲展轉勞我懷
愁容日枯槁夙志良不諧麋鹿必偶逐飛禽亦雙偕
如何失所依隻影守中閨衾空夜寂寞帳冷風淒淒
低頭淚盈眦坐待白日西
明月何皎々皎々尋幽人幽人抱萬恨測上坐達晨
風葉鳴高樹星河粲層旻縹緲天涯客淒涼窓裏身
耿耿不成夢欲往河無津

漢都十詠

次徐堯城韻

飛流瀉谷鏘鳴玉路轉溪橋盤八百招提深處敢堪
居世紛過眼石火裂談禪一夜忘歸去洗心學得三
生語金磬殘沈篆穗門前俗駕尋無處

右藏義尋僧

金風捲雨雲芽靜玉桂娑娑散秋影亭前騷客骨更
清茶鐺小試龍團餅俯瞰長江千丈徹散我空中鬚
與髮臨流對月耿無眠款乃聲殘不成曲

右濟川翫月

有客有客今遠遊臨別相酬青玉甌垂楊萬縷惹離
恨欲行不行且復休離歌三疊激清商慘神無言空
斷腸幾度相逢復相送飛鴻叫斷天茫茫

古盤松送客

雪花穿袖朔風響短轡龍鍾壓寒掌回頭蠶嶺已失

青但見瑤臺倚千丈日暮烟生屬林屋細徑如蛇傍

脩竹寒梅璀璨解娛人起寫新詩三歎息右楊花踏雪

南山積翠雲間高縈山石磴跨如橋東風邀我上層

巘酒開雙榼新葡萄城中歌舞藏春塢飛花散作千

家雨夕陽歸興醉滔滔自把羣椎擊鼉鼓右木覓實花

雨餘芳草鋪翠茵蒲郊春色迷行人東門十里風日

美玉壺載酒尋晴春心探野趣坐溪曲高閣笙簫謾

喧吸啣盃一笑罄餘歡天際斜陽半輪落右箭郊尋芳

春光淡沲隨處施
蘭舟輕蕩清漣漪
桃花浪高翠綃

舞春風亂搖楊柳枝
呼叟撐艇江之頭
舉網斫鱸臨

芳洲歸來鐵笛拈一聲
驚起一雙波底鷗
右麻浦汎舟

方塘鏡面清徹底
菡萏花時風月洗
亭亭翠蓋擁紅

粧
凌波步襪香生苧
禪榻髻絲飄可數
一陣清風入

揮塵隔簾荷葉戰
繽紛夜來吹作東
窓雨右興德賞蓮

魚鱗隱約照千家
燈開處上烘幘霞
光穿瓊樹紅蕩

搖幻出萬丈空中花
十二長街晴作畫
奇巧紛々眩

猿
狖共將歌鼓樂昇平
數盡樓中五夜漏
右鍾街觀燈

簫笠簑衣乘雨立無數寒魚戲深碧釣竿裊々漾輕
飈須臾波上紅鱗躍洗鼎烹作江頭羹酒酣擊破琉
璃瓶人生適意即爲樂世上軒冕真虛名

右立石釣魚

田家詞十二首

青陽縱靶翔寥廓塘水溶々冰拍々和風吹柳萬條
黃彩杖驅牛啓見作溫湯滋養紅蓼芽雪後薺葉敷
晴坡四鄰盃盤聚元夕東山見月相經過輪魄無心

自來照老叟年々占豐兆

右正月

苜蓿迸地萋蒿短蟄戶欲開天氣暖邑中高廩省春

糴萬口疏糶無處寔今春來年當及時欲種無種耕
無資雲間朝日射芳甸土鱗閃々翻金犂東君次茅
傳消息阿槐花發黃金色

右二月

杜宇哀吟新燕舞百尺遊絲罥高樹二十四番棟花
風一陣兩陣榆莢雨風日美時農正忙無人載酒尋
春塢里胥雜還呼荒村杏花萼葉今彌繁村務紛々

人四出萬指畚鍤如雲屯

右三月

百花飛盡春事畢天氣清和鶯語滑乳雉窟穴澤中
蒲野人活計山上蕨眠蠶蒲箔燒鷄心十畝陰仁桑

柘密田龜半圻萍黏塊往覘泉脉牽龍骨蠶欲久晴

農欲雨主宰茫々竟何寓

右四月

節中南訛萬彙盛榆柳村墟日初永北里榴花映短
籬南鄰稚竹蔭歸徑平丘綠浪著暗黃杙臼紛々芳
餌餅鞦韆門巷過端午苧葉翻々散還聚萬畝秧針
翠撥雲鳩婦喚雨聲正苦

右五月

日輪當午萬珠融鋤禾百畝愁老翁田頭放歌田尾
扣西耘已了復徂東饁罷支輶卧草隴陰陰樹榭多
薰風薰風吹作山頭雨白浪鄰々不見土歸來簞笠

斗倒騎蘆管一聲天欲暮

右六月

積雨初收失炎暑鳴蜩又作涼秋語東籬碧玉割甘
瓜小甕清香釀新黍比鄰樽酒通前蹊醉歌鳴鳴爭
扶携既辦農家一半事洗盡鉏頭三寸泥相逢不識
山氣昏露華欲上秋禾痕

右七月

白露無聲悴芳草園巷人人剝丹棗社鷺辭巢鴈傳
信淒涼萬物秋容老稻華穠稌交青黃野色漸變彤
雲光槎頭銀鯽始振鬣簞底紫蟹初輸芒身間有食
食無味太平耄艾歌虞唐

右八月

蕪菁嫩葉半魁肥霜重田家初受衣黃雀翩翩啄晚
地農欲刈時天少暉腰鎌扶轂上荒阪東臯載稻西
家歸紫菊開花繞市舍歌鼓紛々喧四野一斗白酒
一隻鷄共向神林賽秋社

右九月

良月就盈天地肅萬稼登場高似屋夜寒碓杵隱晴
雷香稷浮浮炊白玉富者少稅豐困倉貧者輸租反
不足貧家富家愁與歡只在區區一寸腸黽勉餬口
生理忙又披雪絮粧衣裳

右十月

日短南至星正昂萬竅剛飈夜相攪臘前瑞雪已三

白滲漉連旬滋宿麥融々土榻楮拙温山下夕陽戲
羣翟釜中煮豆軟如酥寒林屋角烟光孤驅牛登樞
塋菽豈門外使者來索租

右十一月

朔雲擁野陰凌兢南山北山皆明冰人寒聚懊縮如
鰲林深雪逞愁薪蒸翁閱契券婦謀績紙窓翳翳筆
明燈磔禽搏兔逢嘉臘蜡祭壇中牲酒合迎新却恐
踵前途仰訴句龍待休咎

右十二月

怨春曲

夭桃半顙兩廉纖吳姬睡罷褰珠簾羅袖新裁翠雲

薄螺鬟掠削遙山尖香闥十載閒不出無限憂懷托
瑤瑟夢斷江塙音信少春風吹度關山月懶隨初調
白玉腮無言恐被花相猜一雙黃鳥忽飛來和我絃
上聲二哀

春曉曲

輕風破曉香雨膩新綠藏春紅欲死城東玉漏駸夢
魂枕上寫得相思字相思未試雙玉環江南清怨屬
哀彈蘭燈黯上紗牕素獨伴金籠鸚鵡寒起來無語
頻雙蛾青銅羞照舊容華惱被春愁寫無處下堦自

折櫻桃花

艷陽詞

南村北村雨如酥東風連夜催杏花朝來雪片半空
斜枝上扶疎地上多長安公子惜春華碧牕如霧鳴
箏琶玉釵半側烏雲不鷓鴣酌溢黃金蛇

待君至

金鷄啁哳天欲明雲母帳開龜甲屏青雲滿梳鬋葉
亂嬌顏半帶顰脂幘菱鏡藏鸞塵不起二十五絃鳴
玉指忽聞柳陌馬頻嘶開簾坐待郎君至殷勤萬事

說前約蝴蝶多情穿繡幕東風香蘂紫霞觴花陣酣
紅春脉々

蝴蝶舞

蝴蝶舞東家西家春已暮花開萬樹蝴蝶來花落滿
地蝴蝶去花飛蝶駭俱無情似我離別歸無處春風
花蝶來有時鏡中顏色難再好

無功畫鍾馗

丙戌年作

妙年畫格似汝少精機不漏秋毫小短髮蒙鬆如飛
蓬藍衫垂肩半纏繞駝躬擔負七寶盤珊瑚玉樹交

斑斕意欲使我辟貧鬼長金積王常寺間汝輩已做
吳道子我眼亦作黃金省只恐竒姿驚畫寢携我去
入終南山

陪太夫人坐伯氏花堦

落日下西崖山氣日夕佳啼鳥滿樹杪落花紅無涯
汲水灌蕉根列席敷重階孤松暗墻曲殘月隱半釵
露華冷侵坐二有青衣娃調琴唱數腔清切心所諧
不知夜已深鍾鼓鳴東街優遊送歲月萬慮無嬰懷
萱堂日戲綵常棟固根爰一室具天倫此樂願不乖

沙堤冒雨口號

匹馬長堤柳色新
飛花如雨撥行人
誰知一箇披簑客
吟罷城中萬象春

登冠岳山到靈珠菴

輕風吹我如飛蓬
扶藜上到靈珠峯
削壁千丈倚雲漢
下臨無地迷空濛
攀援寸步髮欲豎
身世付與虛無中
初從巖竅上上頭
孤菴絕掛浮空窓
開金碧爛明絢
中有石像維摩容
咫尺星辰近可摘
斜陽欲沒三竿紅
羣山培塿眼底小
西湖北海遙相通
層雲

過雨半山脊此處但覺來清風東方巨嶽大無外却
與太華當爭雄生平壯遊在此舉始信人世如螳封
若爲擺去塵土累手拾瑤草棲雲松

玫瑰

一朵玫瑰樹人傳是海棠露華輕洗粉風骨細通香
始訝紅羅剪終成錦繡張憐渠矜絕艷開近讀書床

草書歌

吾兄筆法神復神字如右軍逼天真世上何人肯爭
鋒秋蛇春蚓空紛綸刻藤蛟二新如霜端澤彩石金

蛇光墨雲含雨忽揮灑翔鸞舞鳳爭頡頏銀鉤鐵劃
亂縱橫逸跡不數張伯英觀者咸求青李帖門戶須
將鍊作闌我今相隨慕真跡不棄家鷄隨野鷺

蠶婦歎

桑葉尖新綠初美晴窓少婦掃玄蟻蛭々初生若有
亡倏忽三眠已成就夜來食葉風雨聲々箔萬箔更
縱橫苦心作繭々愈大黃白奪目光熒々牀頭終日
鳴縑車曙星出沒盆中波織得成衣雲錦新一朝捲
却輸他人豪兒不知此間苦共將羅綺誇諸身不獨

蠶家有此事世間萬事亦如此弱者多爲強所食小者亦爲大所使

北牕

北牕吟罷雪堂詩枕穩清風睡足時日晚小庭無箇事手携瓜蔓上枯枝

題如晦畫二絕

船頭青厓高艍後樹扶疎有客浮中流天地同蘧廬楊柳綠萬絲東風吹復吹漁翁挾拖去驚浪晴參差

詠盆蓮

霏二雨脚晚猶斜美景須將好句誇觸鼻忽聞香氣
過隔簾風擺老荷花

拔英試恩榮宴

黃門飛鞚下瑤宮宴錫恩榮
膚眷隆龍扇羣英分
左右羅紉晴彩映西東十分潏灩搏壘列萬指鏗訇
鼓吹雄日暮長門扶醉出宣花醉面一時紅

坡山村庄與老叟話

寄語田園叟投閒羨爾曹養鷄烹具饌獲稻釀成醪
山果紅將墮畦蔬翠可挑農談不知倦晴月近窓高

伯氏拜刑曹判書以詩賀之

日暮宣麻下紫庭尚書六部領權衡洗冤澤物春如
海錯節盤根刃發硎聽訟必須還息訟期刑終是自
無刑欲知戲彩堂中慶一笑平反意欲平

置酒邀子猷

屋頭烜歛射晨曦總裏爐存酒溢危笑殺山陰風雪
裏謫仙何處按金龜

醴酒

穆生徒嗜蔗爲漿辜負春風琥珀光徐龜豈逢阿瞞

怒知章不換謫仙狂蕭條難使愁城破淡泊終教異
味涼獨有相如曾病渴一杯聊復潤枯腸

木綿詞

江南木綿色逾白晴雪紛二舖簾席小機搖作鴉櫓
聲軟弧彈罷秋雲薄東鄰有婦坐夜闌風回粉絮繁
烏鬟織成新布機杼促札々輕梭玉指寒半擬新袴
與小兒半作寒衣托邊鄰心酸意苦眠不得孤燈閃
閃明羅幃

寄遠曲

小爐隱約磨青銅，
歎炭熾火通霄紅。
美人含愁坐不寐，
纖玉手慵裁縫。
玉尺交橫剪刀響，
燈火半結搖房櫳。
就成新衣將遠寄，
良人萬里交河戍。
衣上千絲復萬絲，
誰知一一和清淚。

題一菴詩卷三首

丁亥年作

金銀蘭若倚雲蘿，
絕學高僧眼碧波。
講罷楞嚴還入定，
落花飛處鳥聲多。

蜀魄聲中午夢闌，
東風先到山間。
出門記得新春事，
澗草巖花一樣閒。

人間膏火苦茫茫
身在烟霞紫翠岡
業白自然除熱惱
傍階偏愛竹陰涼

官軍東征

豺狼據深穴盜弄潢池兵一朝恣吞噬殺人更縱橫
朔方諸節度不得保厥城帳下皆敵國未脫帛咏惺
安知螻蟻細竟作橫海鯨聞道李希烈尚拘顏真卿
天威赫斯怒廟議肝膽傾嗟彼蠢不察羣后方徂征
軍容三十萬涵若春雷轟奇才竟脫穎咸請終軍纓
泰山壓鳥郊破竹勢已成唐家如日月會見淮西平

小儒本迂濶只知蠹六經身未出大漠勒告燕然銘
作此聖德詩輸我一寸誠

聞賊據險官軍不進作詩寓意

釧閣高嵯峨已保蠶叢家函關重百二自作秦山河
吾聞三嶺亦天險寸步屈曲千褒斜安知所守化爲
蛇教人吮血磨其牙魯連飛書計未成蒯生辯舌徒
遭烹六月棲々動師旅豺貅十萬凌崢嶸咸京暑雨
謾彷徨三軍仰食無敖倉官軍退作鰲首縮驕虜跋
扈多鵠張李愬無程不入蔡淮人尚怕吳元濟淝水

相持竟何益來往恐墮哨鴿計統軍良將自古難寬
以濟猛猛濟寬營中安得小范韓盜賊聞之心膽寒

喜聞柳子後屬司僕

柳子堂二百夫特文經武緯並絕倫宵蟠錦繡文五
彩力引龍淵弓百鈞與人常誇走挾輶欲拔螫弧先
三軍一朝跪獻五餌策君王呼來賜顏色聲名籍二
羽林衛或隨將相叅帷幄爲王前驅駿奔走指揮士
卒如風雨受命時草神檄萬人傳送頭風愈假息
鼎魚不日破君先把筆題銅柱

遣悶五首

唐虞既云邈大雅日榛塞左學火熾薪正道龜食墨
舉國奔洪波香燈事金狄顛倒眩小兒罄室施金帛
欲望來生果何異求鵝炙桑門尚可依願脫我六鑿
農夫勤稼穡我先享其利市肆勞百工我先用其器
武夫守關塞以我保田里只將三寸舌琕鏹弄文字
朝上白玉堂暮退西山址清風大廈間飽食日無事
白日耀六合浮雲玷大空王師直而壯桓仁萬熊熊
蚍蜉欲撼樹中夜交矢鋒將軍坐唾掌號令如雷風

似聞驕虜輩羅拜郭令公將招元次山磨崖頌神功
西鄰有人哭夫婦相求訣東里有人哭母子哭離別
男兒志四方征役非所恤哀此婦人輩何以守空室
努力徃成功王事不可忽臨風送行塵禽鳥亦鳴咽
發我長安倉徃濟三軍命四郊日鷺上驅車上雲磴
高者凌嶇峯下者陷泥濘牛苦脫四蹄人得河魚病
寸々向前去欲行還蹭蹬安得木作牛歷盡崔嵬徑

呈永川君


一生時習在三餘黃紙功名蓋闕如願作淮王門下

客日揮鴻寶篋中書



虛白堂詩集卷之一

七



虛白堂詩集卷之一

虛白堂詩集卷之二

男 世昌 編集

夢感

夢我恩虧竟何怙再仕無心樂三釜寂寥斧屋蒼山
根三載茅廬窮獨住拋書假寐魂始交噩耶懼耶擾
胸腑慈顏知我痛終天倏忽夢中猶暫遇兒行據膝
窓前歸風吹兒袖菜衣舞盤嬉笑語不須更縹渺悠
揚覓無路月色滿牕夜未央擁衾無言淚如雨此身
空虛夢中夢何苦斬生在塵土莊周蝴蝶齊是非若

遇大覺猶朝暮

正月二十日雨雪交作

庚寅年作

新正望後六天噫若哇
噍頑雲壓層巒萬竅還無跡
微雨乍乘曉雪花竟翻
夕冲霄舞萬鶴到地還失白
山容渥初重樹木森似擲
鷄犬聞空中相尋在咫尺
坐想洛水涯冰漸流欲釋
融二土上氣汨二泉動脉
傳聞老農說猶可種春麥
居漸脫重裘行將披襍禊
萬物各含姿端倪暖始闢
野翟欣欣飲啄五彩扇羣翻
角々竟棲樹恍如鷄在柵
稚子掘蒿薺傾筐陟原陌

盤蔬新冬春尖萌半生碧念彼寸草輝共荷新春澤
遶此雨露濡我懷增牀榻往事已茫茫滂淚和兩滴

夜坐

窓外蕭蕭雨點疎不眠孤客意何如家貧屢鑿匡衡
壁鵬集偏驚賈傅居兩袂尚餘慈母線一燈相對古
人書此身底處將安穩只有衡門絕毀譽

雙鳥詩送如晦無功往衿州讀書

有鳥有鳥西山岡一朝破郊雙翱翔紺牙碧嘴利鋒
銛四翮璀璨雕文章飛棲啄菹異尋常肯向田間謀

稻梁勢將磨戛麥蒼口側目下視紫電光狡兔據窟
思深藏衆鳥欲避槍榆枋身經寒暖劫春陽羽毛零
落半摧傷人間矰弋多機張如今同公水雲鄉坐待
金風激清商黃沙白草帶嚴霜雙飛雙語霞何昂上
與鵬背相頡頏雄姿逸氣邈難當塵埃野馬空茫茫
上下九天復八荒絳宮貝闕朝玉皇耳眩鈞樂舞趨
蹌銜進瑞圖歌吉祥卷阿一首比鳳凰

二月十日雨

此生心事老猶癡憔悴東窓睡起遲天晚薄雲披素

帽夜深飛雨散銀絲文君愁對相如壁驥子新編杜
甫詩洛水行船通古道春來一室免啼飢

登珍巖遠眺是日漕穀送家

陟彼珍巖高俯慄千丈坎蒼厓險龍門如遭禹刃鑿
洪河新圻水雲水渺黯黯潮來駕銀室神恠增悽慘
潮退拖素霓萬頃復平澹景物潏四圍來擾愁人膽
哀鴻宰絳霄彩鴨戲枯茨松護訓孤窠幽仄如鬼窟
躑躅絡巖叢春風捲紫毯坐久歌離騷臨風長顙頡
芙蓉霽朝採宿莽欣夕攬我生不遭辰辜負兩髦髡

咄二陋巷中有時義不糝劉毅困布衣所要石與擔
王氏萬金溝分外非我敢微風送歸帆韉鞍櫓相撼
癡童顏漸和室婦夢應感從此別馬蹄東西窮勝覽

嘲介子推

二月二十五寒食一百五如何介子推尚舍千載怒
晉室昔中興重耳亦賢主在外十九年臣鄰共攀附
先軫上大夫趙衰中軍輔舅犯從此辭投璧誓河澣
斬裾罪莫大寺披遭恩乳忘勞雖少恩君節亦良苦
臣之事國君如子事厥父有勞不爲功無罪任天數

不見屠羊說反肆甘貧。寔富貴天上雲。功名路中土。
汲二必受報。瑣細同商賈。君人深引過。枯死汝何補。
雖封綿上田。義不享晉酤。壯氣凜不磨。沈沈奮厥武。
盜弄豐隆旗。潛發飛廉弩。暗轉阿香車。竊揮列缺斧。
崩騰喧四方。飄忽承天宇。軒軒出谷風。黯黯映山雨。
草木隨歎揚。山川困吞吐。上帝仁不問。天官矇不睹。
生爲晉名臣。羈勒心靡盬。死作厲鬼祟。傳笑萬古。
後人亦何辜。歲歲遭此蠱。長安嚴火令。萬室冷晨釜。
累累北邙間。香火絕烟縷。我亦備蘋藻。晨興將陟牯。

出門無所之乾坤互擊擊作詩嘲此神聊以書其粗

猛虎行

北里有老姑自言六十七一男復一婦有孫常據膝
男歸上父塚母婦同一室西山有猛虎眼光百步溢
咆哮傍籬外倏爾捲蓬草姑睡忽遭噬婦起驚索鉗
濛然不自知恩愛忽相失山頭無月輝長夜黑如漆
平明隣里集相顧股先慄羣行尋厥蹤遠陟雲山窟
婦歸傍路啼林風亦悽凜頸血迸殷紅林藪更蒙密
酸然累遺骨咄口人生畢初日寒無光禽鳥絕啾唧

我時深閉戶稍二杖藜出共道鎮山焦城隍所呵叱
湯仁方祝網惡物或捩摘有訴天不聞有哀神不恤
嗟哉竟何爲茫茫理難詰

登杜鵑峯

杜鵑峯頭歸路低杜鵑花發杜鵑啼花開鳥咽兩相
得東風邀我尋春色紅英滿樹爛迷眼彷彿彩霓連
霄漢我昔嘗奉大夫人花時扶杖窮嶙峋當年行樂
邈難及逢春不覺雙袖濕春無可樂還可憂不如不

上茲山頭

接巢

天工奪得妙鎔錐造物誰分我與吾
若有糠粃陶鑄者什尼猶可授凡夫

題無功鷺絲圖

江邊春鉏雪色淨菰蒲葉折秋光冷
戲渚聯拳睡正酣棲烟照水絲飄頂
我愛丰標脫塵跡堂上江湖近咫尺
嗟爾俗客勿相猜却恐雙飛入遙碧

過壺郊

兩野縣二春草碧長垣隱々繚山脊
御旣新駒多此

出變化權奇同冀北龍鬃鳳臆千萬品五花繽紛爛
雲錦或擯霜蹄苑外騰或聚竹耳澗傍飲松都歸客
雲天暮款段蒼黃不如步安得借與一匹騎追風歷
過青郊路

次洛山寺樓上韻

招提孤絕架層峯萬石崎嶇小徑通風動金鐺僧寂
寂月侵琪樹影重七千尋老壑臨無地一縷香烟欲
上空飽飯黃昏欹枕卧寶瓶臺下數聲鍾

翠巖寺

傑構崢嶸見未曾雲開金碧麗觚稜
貝經函裏翻千偈鴈塔庭前轟數層
山鳥慣迎方外客天花飛灑定中僧
磨甎成鏡吾何敢願借風臺一枕肱

遮日巖

萬松護巖叢蒼翠濃欲滴呀然洞門開
有石穩如席溪流沿且洄駛若強弩射
繁々垂水簾冲々叩凝碧開京昔全盛
遊人多此適當時鋪帳幕石凹空有跡
愛此青山厓愧我紅塵役却羨潭中魚
空遊自怡懌

次靈通寺西樓韻

蒼藋香消綠蒲林春寒佛殿半晴陰千章樹老金沙
淨萬疊峯回碧洞深啼鳥落花南北路浮雲流水去
來今登臨愛此西樓僻愧我生涯困陸沈

鄉曲即事

旱氣忡々遍四方稻畦龜坼已無秧飢童往伺山櫻
黑嬾婦來看小麥黃晝避虫蛇移竹簟夜嫌豺虎閉
茅堂箇中無處逃形役安得虛無廣漠鄉

西瓜

西山雨過一犂渥籬外嘉瓜秋濯灑結子團圞上委深

畦大小附蔓如瓔珞
拔出腰間金佩刀
剖破盤中青玉殼
紛紜范老玉斗碎
瀟落魏王大瓠坼
口含爽氣咀雲腴
蔭冷甘香喫霜雪
身清頻教五肺涼
興逸不覺三洲邈
何年擺却軟紅塵
布衣往學青門樂

南池蓮

六月南塘風日美
藕花開時淨如洗
萬柄亭亭翠傾蓋
繁英灼灼紅初膩
凌波仙襪步羣仙
浥露清香聞十里
西山倦客日往來
時時映馬垂楊裏
非將穠艷比西施
最愛清標似君子
春陵千載無極翁
我欲希

之希則是

立秋

大火西流三伏餘
梧桐一葉秋風初
鳴蟬抱樹翠綃薄
槐花香地黃金踈
砌冷滋鷄促紡績
夜涼白露迎郊墟
一年光景已過半
三農事業今何如
勞心箠斃何太愚
不如點檢床頭書

嘗新稻

七月新秋天未霜
早秔已變彫雲黃
銍艾寸口日夜望
不待萬秉登圃場
落杵紛々雲子白
翻匙粒々雕

胡香老農來贈意甚厚我今喜與兒曹嘗舊穀既謝
新穀登節序騷々近練祥子路負米不復得見物日
日思萱堂

內出山水圖二首

青山白雲

江上雲嵐深復深前山後山何沈沈青山如龍入雲
遠白雲缺處攢青岑扶桑曉氣湧蒼蔚峯巒不動雲
無心高松危檣露蒼骨小橋茅店依烟林誰將畫筆
奪天造鄣子半浸江湖陰耶溪雲門是何許翠壁千

重無路尋

寒江風雪

凍雲茫茫遮遠嶺風雪一江天地暝蒼松翠竹護巖
嶽折葦枯蘆圓舫舫江頭籬落十數家幽人不出荆
扉靜稚兒手中三尺箒掃盡門前晴後逕筆端意度
入神妙按圖宛對瑤花境詠罷山陰招隱詩清氣已
壓雙肩冷

兗山桑谷別墅二首

巖岫千重翠茅茨屋數椽青門外柳靄上谷中烟

赤黍藏村暗黃瓜上樹懸兒童徒蒼隱相對似欣然
此里名衆谷風塵隔與區緬懷吾祖意欲脫利名途
蠶績偏宜俗畋漁可養軀當時祝學士爲寫輞川圖

登土嶺

仰見蒼々尺五天攀緣直上最高巔僕夫木末身將
隱人世雲中骨欲仙蓬島風烟飛鳥外松都宮闕夕
陽邊直將眼界窮塵界望盡三千到大千

知足庵

天開蒼玉峽蘭若架層巔錦鄣山千疊銀濤海一邊

庭餘猿盜栗巖湧虎跑泉願擺紅塵累來參一味禪

大興洞

馳下山千仞巉上巖岫峻披榛覓歸路逢僧頻問訊
徑草高齊肩松杉儼成陣石鉤身上衣樹罅頭兩鬢
蒲萄水晶冷蔓挑醍醐潤紫栗無人拾風崖恣蹂躪
兒童挽遠條快若獼猴迅山深怕虎狼生死向前進
陰磴已昏黑陸原相戒慎寥落大興寺吾行縵一瞬
自大興至觀音窟
靈風捲大壑夕嶠飛輕嵐鳥道一千里遊子極幽探

清陰羃左右松櫟雜楓栴佳禽相叫應毛羽翠氍毹
緣崖向北去翠壁深如龕水清石鑿々怒瀑投晴潭
生涯了一電放浪吾所甘時逢最佳處嘯傲坐相談
山僧道無染俗子心懷慚徘徊日已暮欲往忘東南
觀音密

尋山偶出白雲層寺古年深幾廢興落葉荒階初客
到盤渦流水更秋澄韓山作記輝璇宇大士無言對
玉燈世事浮雲何足問竹牕時復訪殘僧

雲居寺

山園四面翠崢嶸雲樹中間一路平梵宇忽開金狄
座篆爐相對碧炯橫龍拖驟雨歸林麓僧坐虛堂誦
佛經俗客不眠叅白足始知身世貴無生

吉祥寺

九龍山色鬱蒼蒼苔徑東尋大吉祥澗水赴塘清可
漱園梨結子軟堪嘗畏人幽鳥接前谷楠衲殘僧坐
上方白馬馱經曾盛昔可憐精舍久無香

豐壤宮

松栢蒼々繞古宮金鋪半剝玉樓空龍渠日暖魚翻

沫靈囿泥深鹿印蹤遊豫已曾聞
夏誕艱難况復見
颶風老農不墾門前道深望
鑿與幸此中

漢江留別無功

冬杜浹川遊仍南郡作

二十何須歎不逢
君才秋水淬霜鋒
王宗本是輕癡
叔阮籍惟知愛仲容
江上黃流同一酌
嶺南青嶂暗千重
明年戰藝應高捷
正見雲起蟄龍

題佐贊驛

度嶺歸來兩地分
郵亭蕭灑枕山垠
倚筇老叟當溪立
種麥鳴鴉隔隴聞
秋色淒涼風脫葉
暮天空濶鴈

連雲蹇驢今日投何處側目西峯看夕曛

踰史盤嶺

疏鑿何時役五丁層巒無數劔峯青盤空路入東西
嶺仰面入探上下星樹繞野村平似薺雷鳴山腹細
如嬰若爲借得靈風便鵬背逍遙出北溟

沃川別墅三首

路入碧山崖蕭然四五家洞門深似扞屋角縮如蝸
日月東西異峯蠻左右多南方卑湿地誰記賈長沙
二十二年間吾今只獨還榮華前日盛怙悵此生艱

所見皆新輩誰人識舊顏籬邊三尺樹尚記昔時攀

去戊辰年陪
先君到此

地僻人來少山深早閉門採蒸調素味舂黍備晨飧
井遠僮愁汲柴長揭就溫羸牛斲豆殼常向夜深聞

壁虱

皇天賦萬物無物不爲用烏頭補藥餌微鼠甲三統
嗟爾么麼質一生九十種當晝竄壁隙乘宵集衣縫
追尋忽無蹤去來何放縱以余病飢骨難堪衆口共
幸不爲人愛胡乃搆禍重自古談舌罵達人所惴恐

宿榆城民家

川面迷去路野濶少人行茅店尋烟入荆扉對月扃
旅懷愁夜永鄉夢怯鷄鳴早起調晨飯殘燈照短檠

灌燭寺

路傍有古剎超々踰雄岡庭中丈六身崑峨聳圓蒼
昔有好事者構此百尺長恒河億萬界變化誰能量
灌以施慧露燭以明臺光沙梯事恍惚後人安足詳
當時樓全盛金碧多輝煌至今就埋沒惟有談經堂
居僧迂遊客一笑開竹房淒涼石案上誰藝栴檀香

渡白江

雲捲浮山紫翠堆
長江風靜碧於苔
千年王氣都消盡
匹馬騷人獨往來
芳草暗遮迎月榭
白鷗飛上釣龍臺
當時不用成忠計
未必輟墓作禍胎

鴻山縣遇伯氏夜話縣宰柳君亦余兄弟舊交

月下瑤岑影半沉
荒城迢遞起層陰
山圍古邑橫平野
竹掩孤亭作茂林
兄弟對床風雨急
故人論話酒杯深
相逢一夜渾無寐
背壁燈花照兩心

憇舒川文照卿別墅

鄉曲間闔密炊烟蒲野垌靜憐池水白高愛竹林青
舳舻常通海魚蝦剝出汀君恩如報了終此保餘齡

還到連山鄉陪伯氏步澤

南溪通北澗扶杖究泉源水滑苔生甍沙暄芥有孫
飯床登美鯽酒甕泛蘭菰誰念吾鄉曲千峯獨閉門

還到沃川庄

路險愁侵夜山深喜近隣籠燈明照屋門狗吠迎人
煖酒先調胃看書就拂塵土床隨意足身世自安貧

窮村詞

玄雲承空朔風怒彩鷺喙之溪邊樹山下茅廬小縮
蝸三男兩老同家住一男荷斧採薪蒸一男跡免踰
江陵最此一男啼索飯姑坐補襪翁陶繩土揭微溫
烟火足瓦釜融二泣豆粥斗鳴甌其鷄在櫟人物凶
年生理拙兒牽窮衣翁撫頂出門同者滿山雪

送春

汨沒紅塵萬事違回頭三十二年非西園風雨夜來
急桃李無言春自歸

陪伯氏往豐德敬天寺東岡斲沉香石

尤物足移人。厥害劇疣腫。黃金與白璧。竒詭闔千種。
若有篤好者。其來不待踵。如何此頑質。價亦連城重。
開京南十里。平郊圍短壠。巉巖跨半腹。矗矗前後擁。
何時始剖璞。花園真作俑。後人不憚險。爭慕五丁勇。
倘得數寸塊。百累恐不贍。名爲天下最。聞者皆神竦。
到今已盡取。崖顛沙石壅。藤蘿暗當蹊。榆櫟蔚成拱。
衆夫齊把斧。終日推嵌砢。石堅坐不知。勞斜陽帶荒塚。

玄化寺

萬古不滅靈鷲山或盛或衰玄化寺前朝宮闕半僧
家千甍萬廡峯巒裏顯王不獨崇釋教孝思烝々永
不已當時事業掃無蹤惟有豐碑橫剌施周衍文辭
蔡公華御書篆額龍蛇起我生好古欲傳真乞墮爭
打日中字馬街樹下青草嘶人在綠林深處睡石間
飛泉冷如冰至今居僧稱御水乘興徘徊不知返寒
鴉閃々催歸轡

玄處士林亭

遊金剛山作

朝飯青松里來登綠樹亭遙程逢客問詩句約僧評

邂逅玄居士慙慙白酒觥生平不解飲到此爲君傾

過通溝縣

金城東蜀色蕭灑古通溝潯水浮紅葉嵐光捲素秋
桑麻開細徑烱花接平疇身入朱明洞將歸又少留

宿外堽羣院

落日投精舍塵心物外閒總虛僧結衲樓迴客憑欄
翠柏風前舞青山雨後斑雲林多逸興隨處可盤桓

長安寺

烱霞深鎖洞中天說利浮圖萬劫傳松檜仰遮山上

目竹箇流引石澗泉轉輪藏動洞深殿無盡燈明照
大千梵唄聲殘羣動息坐看涼月陟層巔

彌羅菴

古刹何年構重營肇自今談空僧坐穩扶杖客來尋
稚竹藏斜徑啼禽近茂林身閒機事少從此道緣深

安養菴

架壑開禪室鐫巖作佛龕階蓮團似蓋潭水蔚如藍
塵世心無累雲林性所甘芒鞋與竹杖無處不幽探

雲住庵

一間雲住室寂寞少居僧高樹移青鼠空堦蔓紫藤
棧梯緣壁險鍊鎖躡雲升回首望來徑蒼々山萬層

大松蘿菴

松蘿真寶地金碧耀朝暎小井飛泉冷陰厓宿霧昏
堂閒僧入定榻靜佛無言露電光陰裏悠々何足論

小松蘿庵

庵在東西地相連咫尺間洗心參佛祖稽首藝梅檀
谷鳥隨金磬斜陽映赤爛高臺平可望回首渺塵寰

表訓寺

涉水登山八道場
金剛迥樹蒼
上仰尋碣石知千
載欲酌巖泉洗五臟
松籟撼軒窗急雨月光鋪砌訝
晨霜最憐方丈維摩室
碧縷香烟繞上房

虛白堂詩集卷之二

虛白堂詩集卷之三

男世昌編集

詩

正陽寺

正陽寺在雲山中地爽可蕩煩心胸浮雲捲盡空復
空仰見突兀千萬峯陰霾累日常濛濛一朝解駁真
竒逢居僧相笑開房櫳勝地一許容塵蹤懶翁去後
留石鍾碧色設刹難磨礱無限世人趨下風拜手稽
首讚大雄

普德窟

信脚秋山路層梯駕石縫黃金開淨界白玉有慈容
畫砌憑銅柱朱欄鎖鍊籠登臨先股慄身世寓虛空

獅子菴

路轉幽林杪蕭然一小庵雲開獅子石瀑吼火龍潭
檜密晴逾嫩泉清酌更甘遊山如啖蔗忘却利名饒

佛地菴

放光臺峻絕甘露井汎瀾倦客尋精舍居僧對碧山
峯高星月近洞靜水雲寒促腰聞談寂燈殘夜向闌

妙吉祥庵

靄二四山冥叅差列盡屏禪居真寂々心地自惺々
路映丹楓樹松翻白鶴翎袈裟僧出揖相對雙眼青

日出行

浮雲捲盡秋天濶北方沆瀣光似雪飛廉不起海若
藏滄溟萬里琉璃濶夜闌彷彿聞天鷄曙色霞光互
明滅忽見紅輪浴輕浪羲和擁出扶桑日金鷄超騰
翥碧空乾坤南北晴暉發我采此日寄僧家得飽竒
觀爲人說朝看溟渤暮崑崙回首不禁夸父渴

登佛頂臺

佛頂庵頭億丈臺
雨餘扶杖踏蒼苔
半天青靄千巖暮
百道垂虹萬壑雷
仰對西峯森似戟
俯臨東海小於杯
竒觀蒲眼忘歸去
恐有催詩白雨來

榆岵寺

秋盡峯巒紫翠重
瑞雲環繞梵王宮
金銀日照輝朝壁
玲鐸風微語半空
在世未諳三句法
到山深省五更鍾
紅塵催我歸期迫
迢遞清遊是夢中

過淳甲村庄

幸蘿羞星棘編籬雲暗巖扉宿雨滋馬上薰香來擁
鼻隔澤人有採松芝

過開州故城

鳳凰山色聳鰲岑面面羣巒白玉簪一抹晴嵐自古
今百年遺跡想遼金可憐龍虎盤踞地誰識英雄割
據心過客詩成增感慨馬頭風雪正沉沉

到遼東

野濶天低一望平南臨溟渤北幽并璇題映日樓居
壯粉堞凌空睥睨橫軍壘茫茫連塞曲人家往往雜

墳塋殷勤問訊華頭鶴塵世紛紛幾變更

宿海州在城驛

門外長橋卧白虹珠樓畫閣聳玲瓏雲橫古堞天將暮水漲晴壕雪欲融汲井銅餅愁老婦攔街竹馬走嬌童分錢徃買東家酒熾炭紅鑪不迫風

高平驛

慘惓平郊晚蒼黃日欲晡燈光分院落雲氣暗闌閣喚僕催郵馬披書算遠途旅遊何所益吾亦愧潛夫

題廣寧驛

芳草寒烟接塞門
醫巫山色擁雄藩
連雲城郭千尋峻
挾路豺貅萬隊喧
牛馬喜晴鋪壁壘
邊陲少警偃旌幡
夜來公館青燈在
割菹兩肩酒一樽

長城行

長城隱々挿天起
延袤東西十萬里
橫包沙漠到滄溟
雪色雄堞峯巒裏
金湯百二作旌關
壯哉峨峨二龍虎
盤秦皇當時按劍起
諸侯膝行心膽寒
欲遺子孫萬世利
筭怨勞民致焦悴
劉項鼙鼓搖山東
未必北胡爲禍祟
興亡往事雲茫茫
行人指點荒上陽
我今

吊古一凄惻蒲郊斜日飛塵黃

寒食行

二月邊城寒食天飛沙射面東風顛杏花欲動柳條
碧芳郊草色青相連都人曉出空四鄰兒女作隊金
花鈿油壁輕車上隴去累上荒塚多平田香焚三炷
薦清醑日暮烏啼銜紙錢歸來半醉爭扶携燈火相
迎鋪錦筵紅粉堂中開絲竹綠楊門巷橫鞦韆東關
勝事樂復樂今年如是還明年共道皇恩滿天地朔
庭城壘無狼烟家上父子子又孫萬代安向春臺眠

鞦韆詞

垂柳陰中日將夕
隣里喧呼攔街陌
二八女兒前後趨
醉臉花紅裙血色
爭挽彩索如飛龍
金鈴噉語半空身
輕上天復下地晴
春十里圍香風却
嫌觀者聚如簇遮
袖無言依牆曲
海陽城中樂事多
欲歸未歸不轉目

謁永平府文廟贈教官祈盤

黌堂深翼二學士
揔神仙絳帳開還
掩青襟後忽先庭
留夫子櫓官冷廣
文擅願效摳衣禮
朝々對榻前

祈盤詩云喜遇高麗使堂：似列仙朝天
乘駒急用貨買書先禮樂同華夏衣冠異
龜壇仰虞文廟
句潦倒不能前

渡灤河

河流急抱長城，外虹橋蘸水橫。
雨歇原頭芳草軟，風翻波上彩鳬驚。
滿郊雲物迷雙眼，夾岸人家掩半扃。
一色綠陽三十里，春風歸去馬蹄輕。

漁陽懷古

開元天子急且荒，嗜音甘酒雕宮牆。
驪山殿閣天中央，春風蕩漾翻霓裳。
玉環嬌笑侍帝傍，三千粉黛無

輝光養得胡雛出，祿餼宴得一夕生。
疣瘡盧龍重鎮，天下強乞燕括趙勢。
莫當百萬貍貅起朔方，胡馬雜
遼嘶康莊。電焰凌虛森劍鏑，指
揮宇宙如探囊。李唐奕葉何輝煌，
深仁厚澤民懽康。詞王不作戒蒼
桑，丕基不絕僅毫芒。克念作聖罔
念狂，人心操舍真無常。當時遺跡
塵茫茫，崆峒山色空青蒼。石橋橫
斷就荒涼，窮郊迢迢愁雲長。匹馬
吊古過漁陽，千年遺集令人傷。

題通州潞河驛

東風楊柳綠陰新
繡轂和鑾競拂塵
青雀黃龍連海曲
紅裙翠袖簇江濱
繁華蒲日千年地
景物催詩萬里人
行近鳳城多喜色
馬蹄馳入玉橋春

東嶽廟

上帝垂旒殿宇寬
星官諸位整衣冠
杳恩翳日仙居壯
幡蓋翻風燭影寒
百室金爐當古牖
兩行蒼檜蔭平壇
白雲黃鶴人何在
袖裏刀圭願一餐

玉河橋雜詠

萬縷垂楊走馬臺
玉河流水碧於苔
跳波錦鯉看無

數日暖風輕露錦腮

夾路虹橋白玉欄倚攔纖手整螺鬟銅瓶百尺飛瀾
灑源出金溝淨可餐

早朝奉天門

鷄人催起五更鍾五色雲深繞九重
瀟瀟空高柱玉龍從香凝寶鼎傳雷蹕日射琳堦照
衮龍天語丁寧催賜酒恩光浮頰十分濃

進士放榜

千佛名經屬太平大張羅網獵羣英
天門已下黃金

榜新士羣遊白王京冠蓋探春歸甲第笙歌擁馬開
脩程綠楊盡閣東風裏爭捲珠簾問姓名

大興隆寺

御溝流水綠溶溶信馬西街到梵宮四面金鈴鳴落
日千尋寶塔出層空袈裟院裏翻經偈香火人二拜
大雄坐久自憐禪榻靜髻絲輕颺落花風

東街偶吟

紫陌垂楊酒旆斜紗幮如霧咽箏琶東風不管花無
力吹滿長安百萬家

回到通州

歸來空館日如年
花落鶯啼霽景鮮
畫舫參差橋外
樹白鷗浮沒水中天
奚囊只拾詩三百
困馬愁經路
四千從此帝城省
漸遠夢魂頻到五雲邊

望盤龍山

漁陽古大鎮
四面多名山
盤龍依西北
巒嶂作雄關
天風掃雲霧
點點浮螺鬟
上有欲落石
突兀當其間
晴潭蔚深碧
蜿蜒有神姦
蒼生苦亢陽
沛澤龍何悭
山高路峻絕
可望不可攀
舉鞭一長嘯
愧我遊子顏

大明一統志山有
動石又有龍淵

望崆峒山

幽薊近虜境出城數里餘萬疊崆峒山此上凌空虛
樹木暗虛牝上有神人居當時軒轅氏治化同華胥
至今有遺廟千載陳魚菹我是塵世客難禁化人裾
欲抹防身劍長笑乘重岨坐令胡塵窟漠南無穹廬
斯意竟獲落俯檢囊中書

大明一統志
山有黃帝祠

採桑行

十里一大店五里一小庄平疇接廣野棘籬圍短塙

千株復萬株家々對稚桑去年伐遠揚今年新葉長
綠陰鋪數畝沃若紛青蒼春風紅女隊手中持懿筐
長歌階上花采々移路傍蘭大如甕盎綠之爲衣裳
居民自安樂過客增憂傷對此感時物荏苒三春光
仰天一長歎千里思故鄉

商車行

山東廣野如砥平驚風十里飛塵冥轡車翩々走如
電遼東載米漚西行兩邊驂眼穩騰舞長繩搖曳黃
金鈴箱中葦簟大如屋穩眠不怕驅雷霆出憑軾

立策馬姑坐倦針無抱嬰一生不識耕戰苦隨機眩
利從重輕可憐古昔胡虜地今日民物咸救寧太平
聲教無遠通行李慎莫愁遐程

憇雙王村

何代雙王塚荒涼宿草滋石麟橫野麓亭樹擁神祠
醞酒人所祈兩焚香客卜龜彭咸死已久禍福有誰知

回到遼東

遼城風日莽昏昏倦馬重過安定門默坐計程山水
近愁眠欹枕夢魂翻超遙萬里還鄉國邂逅三更伴

酒樽近有京華消息否逢人欲問反忘言

過王祥墓

都督當朝傑邊民賴撫綏威名揚遠塞事業輝豐碑
怵悵松林暗荒涼石獸危斜陽無限意駐馬立多時

還渡鴨綠江

萬死歸來一病身吾行又到鴨綠濱胡庭渺口隨山
盡鄉邑依上八夢頻喚僕更尋消息至逢人左覺世
情親睡餘公館殘燈夜把酒論懷喜氣均

次安州百祥樓韻

高卧元龍百尺樓蒲懷風月未全收青天半落鳥飛
外白水中分山盡頭乳犢困眠芳草岸彩鳬輕掠夕
陽舟欲歌歎乃追漁父行盡春風杜若洲

次風月樓韻

好向名區極清遊乾坤萬里此生浮亭臺月照高
但影涵苔風微午夜秋急管相催金寶瑟佳人屢轉玉
搔頭醉來忽放劉琨嘯坐待清樽不下樓

題龍泉館

老樹童々枕道周幾人樽酒此淹留風前翠浪驚初

定雲外青山散不收
日色淒涼南北袂
溪流鳴咽古今愁
不因壁上留詩作
誰識長卿故倦遊

題金季昱頭流錄

癸巳甲午
年間作

危乎高哉山之穹窿而延袤
方下壓黃之輿上幹玄之堪
吾不知幾千百里之根盤兮
崔嵬重鎮乎天東南元氣發
洩天機吐含雲烟黯澹藏半
腹荒蹊幽谷多梗楠初從林
麓覓真趣仙區勝境窮幽探
懸崖飛瀑瀉如雨驚雷下撼
乎深潭山深水益清淨影青
衽盤身登最高頂羣岫如磨
錯手捫星漢去尺五天風

吹髮寒鬢上扶桑若木是何許滄溟萬里浮晴嵐鯨
濤亂相激蜃市光相涵推髻弄眼航海而縱踵方可
以見聖化之遠覃下視數十洲之民物藐孺而稚
蠶山之高方無與競山之中方樂且湛獵貝多葉
翻優鉢曇佳花琪樹爭紛敷春風蕩香醺珍
禽怪鳥不知名舞翠羽之氍蒼苔滿徑設塵蹤幽
巖絕磴開禪龕仰招提之隱々眩金碧之耽々幢幡
映杳々鍾鼓聲韻々此間當有隱君子紺瞳綠髮多
彭聃竚九節乃冠芙蓉雙成控轡而王母驅騶飲以

九霞之綠醞侑以洞庭之黃柑瓊芝瑤草日相長蒼
虬玄鹿睡正酣月林沉二靈籟響軒轅張樂撞宮函
孤雲聞道陟其境態鳥玄機久已叅巨華照翠壁千
載留弄談何苦世之人兮富貴之慕而趨孽之耽君
歸卧其下雲杯性所甘我今落塵網礮磴寧非慚意
欲與子償所願誅茅卜地結茆菴心叨寸祿而不能
去兮辛苦蠅營而飼食一身心事兩相違何異圓枘
而方鑿君是天上鶴我是邱中鶻側身南望憂心如
惓安得挽蘿倒葛長嘯上二頭浩然之氣與天地並

立而為三

送李叅判士高赴京

廣原逸氣橫高秋胸中磊落藏神籌學富三墳與九
丘文章餘事追枚鄒功高麟閣職亦優金章紫綬多
風猷大明聖化覃遐陬公今奉表馳皇州縉紳提壺
攔道周一鞭行色催鳴騶松都七站路阻修回首華
嶽南悠上箕城歌吹增離憂西風吹渡龍灣舟荒原
無人樹木調一徑轉鱗雲山幽縱橫八河爭奔流嗟
峨鳳嶺青相繚遼陽重鎮環深溝軍門畫戟明堦墀

長垣廣野連午疇五里一垓十里郵秦皇城鄣枕海
頭永平楊柳灤河洲崆峒山色萬古留祿兒往事尋
無由鳳城甲第多公侯金鋪綉闥聯瓊樓紅塵四市
驅驛驢凝笳疊鼓扶華輶佳姬燕趙神仙儔紗幘珠
箔彈箜篌蓬萊宮闕佳氣浮御溝流水清如油羽林
神卒森戈矛鸛班雜佩鳴琳璆萬國來庭朝晃旒香
烟萼仁翠雲裘重瞳咫尺承天休退朝華館羅珍羞
竣事歸來歲月遒神都盛事盈雙眸照檢詩囊繫馬
鞦風景一口探真搜男兒壯志貴遠遊何故局促悲

楚囚大火西流回
蓐收鴻鴈磔々風
颺送君今日發
長謳天地萬物無間愁

送朴叅判子啓按察嶺東

金閨早通籍身世付羲炎
好際雲龍會時承雨露沾
清標持玉節行色映丹旂
曉日開關塞春光暢里閭
東臨瀛海近西顧華山尖
望遠鵬圖壯尋幽蔗境甜
仙區多勝槩眼界豁遐瞻
叢石撐銀漢亭松舞翠鬚
鳴沙隨駿足怒瀑掛冰簾
窟古金留像垵平境出奩
霞明紅唇浴風定雪濤恬
樹木旌旗捲峯巒劍戟銛

嶺高天漠漠野濶草纖纖好是風流地偏宜吏隱兼
蒲韞陳簿牒羽扇掌韜幹攬轡威先至登樓興轉添
笙歌虛紫閣綺羅負銀蟾星斗文章煖風霜號令嚴
丘原饒菽麥籬落富魚鹽問俗鑒民瘼吟詩側帽簷
仁恩孚草木惠政及飛潛自我纏韉鎖長年守簡籤
生涯借轍鮒功名上竿鮎潛倒頭將白趨超突不黔
未成滄海趣終老玉堂廉每擬蠅隨驥常懷鶩與鷗
遼城曾共苦燕路久同淹歲月何嗟及行藏未可占
醉惟同酪酊話却接溫謙外初攀柳街頭又覓帘門

送行愁不盡惜別酒重拈無限心中意書遺一幅縑

用李長吉韻題廬相江亭示兼善希亮

九十春光如過客百草散盡春無跡江上遊人日
新長洲草色年碧步出城南一十里白沙渡口招
舟子孤亭斗絕青山崖落日半空天浸水紅塵紫陌
長安道名利紛紛人易老身憑一葉泛滄海鼓枻長
歌天地小

鳳山環翠樓次陳內翰韻

乙未年隨韓相國赴燕京作

老樹千章擁綉甍羣巒四集碧曾兩催芳草香生

砌雲漏斜陽影半稜
駒隙光陰渾似夢
鮎竿名利冷
於冰蒲庭花色春如海
醉伴東君試一登

龍湫

敲谷松杉翠挿天一間
祠宇壓深淵
千尋翠竇依崑
在萬古驪龍抱寶眠
水氣每隨雲共暗
真源應與海
相連
流波慰滿三農望
浸盡平郊百頃田

次平壤鄭知常樓船韻

城郭崢嶸往事多
漁人空唱採菱歌
傷心獨有江頭
月萬古無言照素波

次浮碧樓韻

過客高吟獨倚樓
還隨漁父浮長流
湖山有意對青
眼風月無情催白頭
芳草斜陽看渺
宦情羈思任
休尋春好向江邊
醉銷盡人間萬斛愁

肅寧途中

陰雲滿野天漠漠
千山萬山燒痕黑
東風浩蕩搖乾
坤腸斷原頭芳草色
風和草軟暖氣多
微雨淡催
杏花指點河山
鼓吟鐙少年行樂真堪誇
胡笳落日
飛塵昏駿馬
罕隨風翻華堂翠幔閒
半掩青燈閃

閃當金樽人生百年難開口雲雨交情翻覆手細推
物理須盡歡不如花前一盃酒

清江餞別

劍山嶒嶸西南隅層巒疊嶂青盤紆山田水複歸路
送馬蹄到處多名區東風吹燒遮平蕪飛鳥四顧驚
相呼羽林豪士膽氣麤臂鷹牽狗爭馳驅搏盡孤兔
供行厨列張清江羅百壺客子欲發臨中衢主人拜
揖來相扶燕山行李何崎嶇爲我一飲立斯須客乃
仰笑還踟躕欲行未行西日晡太平身世遊唐虞物

無疴癘民無痛飲爛醉真良圖

虛白堂詩集卷之三

虛白堂詩集卷之四

詩十首

男世昌編集

渡鴨江宿娑娑南坪

渺上龍灣津春流急如箭孤舟競爭渡萬騎驅雷電
角聲互低昂旗影自舒卷沙頭一杯酒離思苦淒咽
袂分南北途地絕山河轉枯葦沒雙肩擗颺射顏面
窮郊易斜陽遙岑飛雪霰含愁天地冥抱膝精神倦
夜深魂夢涼家山長八戀

遇雨

暮色入榆枌，淒涼澗水濱。
驚風吹作雨，晴靄暗成雲。
點滴穿衣袂，霏微塞洞門。
旅懷殊不愜，愁向夜深聞。

阻雨佛胡里次國華韻

萬疊浮雲萬疊山，音書渺々隔鄉關。
波聲已遠龍潭外，樹色遙連鶴野間。
此處菰蒲隨雨綠，誰家桃李帶春斑。
黃茆編屋荆生把酒論懷亦等閒。

七歌

有家有家南山隣，山前溪水流逶迤。
長安三月春熙熙。

熙滿城桃李啼黃鸝床頭酒甕清而醲城西佳會終
參差客路不見花離_二及至歸家花已衰嗚呼一歌
芳歌正悲虛擲九十芳菲時
君門如天浮半空太平日月開重瞳百僚環佩搖玲
瓏沙堤珂馬飛塵紅臺坡學士雲從龍我今遠隔經
帷中五雲渺_二天之東側身不見蓬萊宮嗚呼二歌
芳心無窮虞庭何日歌淳風
有兄有兄我所敬孝友慈仁出天性夜_二聯床同嘯
詠朝_二步屨問溫清荒山今日風雨冷誰家荆樹媚

晴景鴻鴈孤飛度雲嶺鵲鴝哀鳴翩獨影嗚呼三歌
兮歌思永愁來無語劇含哽

有子有子婉清揚總髮翩_上垂兩傍大兒讀書不下
床小兒騎竹趨康莊最後一男新弄璋三人相隨鴈
聯行夢汝遠在天一方思汝不見空斷腸嗚呼四歌
方歌慨慷胡沙獵_上穿衣裳

有書有書在茅屋排廂貯篋多所蓄雖無惠子五車
幅亦有鄴侯三萬軸朝搜夕閱尋簡牘糠粃猶能潤
枯腹如今棄置無人曝野馬來遊鼠相逐嗚呼五歌

兮歌已拍苦吟半歌頭上幘

有琴有琴三尺餘鸞頭鳳尾裝金磔一彈清風來徐
徐再彈行雲爲躊躇有時明月當碧虛左援右撫開
襟裾如今寒落倚空廬蛛絲滿面無人梳嗚呼六歌
方歌唏噓安得携來送居諸
我行我行何太苦瘦馬凌兢困泥土頑風捲地商羊
舞山氣濛濛釀雲雨荒山三日無所寓萬顛顛倒錯
畧今去住艱關天不佑未識豐隆爲誰怒嗚呼七歌
方已成譜蒼茫獨立寒潏潏

山茶里途中

天開雨新霽雲氣猶淒淒
夜來春水漲泛溢連平堤
川流渺如湖巖泉反成溪
驚湍觸兩岸枯荻迷荒蹊
撇裂綠淺瀨跼蹐陷青泥
羸驂困偏側未辨黃與驪
寸進十里許白日忽已西
遼陽隔幾里路遠雲山低
崎嶇無坦途蹭蹬無安棲
東風漸妍暖芳草綠初齊
何日東華街雙翻駿馬蹄

宿牛崖津

暮春三月三天氣清且新
客中值佳節來住牛涯濱

桃花浪自駭阻且西歸入川深不見底白石清無塵
游魚亂潑上斜日翻金鱗東風長芳草新綠敷原昀
覽物起遐想撫膺獨傷神漢陽花正好歌鼓扶朱輪
渺々故鄉曲樓二遊子身驅車不煖席問路終迷津
半年在天涯辜負長安春

過坡沙里

八九茅茨屋參差住澗濱門闌分甌井原隰閃龍鱗
樽酒祈春社婚姻聚比鄰喜逢淳朴俗風物似朱陳

過逢狄里

斷隴炊烟起人家榜柳條谷深春色晚林暖鳥聲驕
亂水喧雲碓殘冰襯石橋逢人問歸路斜日隱山椒

踰分水嶺

穿林細徑綰如蛇南北沉沉樹影多水作一溪拖素練
山分四面聳青螺將崩不崩嶺頭石欲開未開山上
花日暮杜鵑啼不歇遼陽歸客鬢添華

自遼城夜投鞍山

郵亭夜未央欹枕獨彷徨檉楊背孤燈影窸窣穿落月光
驢鳴知異境狗吠似吾鄉多少心中事悠々只自傷

題海州在城驛

城上譙樓靜鼓鼙太平烟花望中微園林四面多啼
鳥桑柘千村射落暉風擺墻桃紅欲皺雨添壕水綠
初肥青春到處堪勝興莫限遊塵染素衣

乾溝途中

天櫬東西掌樣平乾坤萬里即長程村居傍樹秋毫
少野色連空海浪驚日角漸低隨地盡馬蹄亂踏八
雲行欲窮眼界終無極始信微軀一葉輕

天妃廟

匹馬來尋帝子家
暈氣傑閣帶殘霞
碑橫古砌埋芳草
門掩清風擺落花
水合三丁成巨浸
舟轉一葉漾清波
棹歌驚動沙頭鴈
亂起聯翩背日斜

關王廟

建安天地屯雲雷
卯金大運挽不回
將軍慷慨有大志
欲持橐鑰噓寒灰
曹瞞區區伺大器
慄猾亦是英雄魁
山東老表本庸鄙
顏良文醜非長材
將軍談笑坐唾掌
俯睨兩豎如嬰孩
一劍橫空白馬倒
二十萬衆如死灰
脫身西走扶劉氏
割據劔閣青崔嵬
身擁

貔貅駐樊口，鷹隼視雄八。塙何期一夕，天不佑丈
夫。壯氣如山摧九泉，雙眸終不冥。神鬼飲泣后土哀，
英魂千載遇真主。感應言夢相隨來，神騎縱橫導前
陣。胡雛散盡無塵埃，升平百年古來少。萬民妥帖登
春臺，生扶漢室盡臣節。死定大功何壯哉，九州紛
設廟宇薦以蘋藻。陳樽壘我行適到廣寧城，殿中遺
像高崑崙。老樹森々蔭堂廡，斷碑蕪沒生莓苔。訪古
酸然意不歇，春風落日空徘徊。

凌河途中

桃花欲動杏花開
香影參差野樹間
狼籍殘紅和雨落
東風吹過紫荆山

杏花小詠

銅瓶如雨茗新添
手倦支頤到黑甜
啼鳥數聲驚午夢
杏花枝影滿疎簾

過寧遠衛

春陰冪冪壓城隅
綠暗紅稀半有無
歇馬行人倚古樹
簪花遊女開康衢
此生辛苦尋詩句
何許歡忻覓酒壚
芳草夕陽天外路
亂山無數接平蕪

綠洲河

長河漫漶如酒落日半掩平郊柳咀詩渴吻欲生
塵甌取春流蘸芳糗清香喫鼻驚華駟翻然墜地如
飛鴻關中瓠羣三十六嗟然繁白開春風五載悠悠
彈指頃逢飄異域何時靜沙頭一朵臨水花依舊翩
翩弄晴影新葉黏枝挿翠紋繁英韞地垂紅雲月斧
纖匕照金椀光輝射面何氤氲盈盈兩井搖秋波小
輔欲蹙微生渦默然相看不得語望斷芳草青無涯
將軍行路逢寧遠衛大人作

長矛揮路盤青蛇甲冑耀日翻銀花兩邊隊伍翼清
殆紅塵十里吹輕霞將軍中擁白鼻騮琕弓大羽橫
烏韞帳下號令生雷風胡虜不敢窺崆峒狗偷鼠竊
不足功勢如大塊噓飛蓬丈夫意氣何豪雄襟懷卓
犖語吐虹馬上一笑各西東還擁萬騎歸城中

驅車篇

轆レ復轆レ驅車車轉轂前車既已遠後車復相續
迤邐陷泥濘河水沒廂輻間關陟隆丘石齒脫杠軸
羸牛困躓蹄疲僕枵飢腹呼僕勸驅馳叱レ聲更速

雷電擾四肢風沙眯雙目
嘯傲卧其中編廬大如屋
但知行漸遠不識何山麓
昏夜莽沉亡相喚戒原陸
行々指榆關燈火照林谷
抽毫寫新篇三叫不成曲

永平十首

城郭憑丘隴江山作奧區
譙樓紅偃蹇雉牒白模糊
門邃通方軌街平接坦途
繁華兼富兼人物似燕都
雕甍連畫棟甲第耀瓊瑤
絳帳籠朱屋紅塵罨玉橋
花窓鸚鵡語柳陌駉騊驕
飽歷風流地清香蒲眼飄
萬口日喧闐東西大市邊
連柱遮似屋揮汗落成泉

酒餅開千店金錢列百廬乘時爭射利衣服闔輕鮮
冀北生神驥騰驤騁俊良青雲輝彩額白日映雕梁
既使門闌盛後教姓字香人村多拔萃冠蓋鬱相望
春城風日麗羅綺競光陰穩躋紅絲履斜穿碧玉簪
錦衽懸寶佩朱袖掛瑤琴步入東門去青帘酒院深
開門作寶坊緇侶亂成行遂殿安金狄深宮拜玉皇
紛々幡影亂冉冉篆爐香薄俗爭趨仰虛無不可詳
楊柳連堤上春風颺碧綠依々排殘眼裏々展脩眉
嫩葉千層暗清陰十里垂朗吟徐按轡故使馬行遲

大小灤河水雙歧鸞尾分波搖青草岸潮落白沙痕
雉堞臨晴渚虹橋卧夕曛坐看鷗鷺集矚翅自成羣
斷堦分成塢低臨小瀨濱依巖架一室架土作三神
遊子燒香去村人薦酒頻殷勤爭指祝安穩渡平津
天高開活畫霽色滿丘陵把酒酬風景尋詩倩友朋
絮飛春寂々花落樹層上信義非吾土愁懷耐不能

漁陽懷古二首

病入膏肓自不知中原民物亦瘡痍曲江葉石無由
進縱有扁和未易醫

滿街楊柳綠陰涼
鳬鴈雙飛水滿塘
遺臭祿兒何足
問石橋依舊半斜陽

膜拜曲

輕衫捲袖血色赤
黃金步搖帕妝額
凝紅拖紫相逐
米囊下少鞋雙窄
暖日和塵照玉顏
香汗漬衫胭
指斑千拜萬拜
向前云細腰屢折
新月彎
炙鷄留飯
陳芳醕燈燭熒
照門礎燒錢送神
不知膜拜向
神
無語共言都人
蠲吉日一心邀福
穰灾孽紛
薄俗舞竒怪
遍海內外如合轍
刻木塑土像百神競

以智術籠愚民安得尚方三尺劍盡誅鼠輩安彞倫

寓玉河館

玉河晴浪細盈尺華館東西淨且明汲水井寒滋衆
渴買書市近適吾情每看朝士簪纓過不雜胡人笑
語惺曉起趨衙偏甚愜街西咫尺是宮城

早朝奉天殿二首

萬堞皇垣壯上都瓊樓翼二壓闐闔曙光初辨黃金
額日色先明白玉樞仰見衮衣臨寶座忽聞清蹕下
雲衢侍臣鵠立階前地競進絲囊翊聖謨

春蒲蓬萊曙色低
漏聲催盡五更鷄
雲間日角開黃道
天上龍綸照紫泥
萬國梯航進玉帛
一庭樽酒醉
鳬鷺太平文治今
方盛
粲々祥星耀聚奎

喪車行

車前兩隊驅笙簧
車後百夫緇麻行
車前小棺露不幔
紅幢素蓋參差光
薰風十里東門路
平丘漫々接烟樹
衣衾化作野埃飛
取土一杯作墳墓
子生三歲免懷抱
辛苦眷恩養寸草如
何世人不知此食稻
衣錦長醉倒嗚呼薄
俗未易訝聖人之制
終蹉跎

滿刺加國人

鬆髮森々半雕額麗容一一渾漆黑兩腮磊砢高於
丘深井眼花如鬼蜮鳩舌啁啾語不辨半帶南蠻半
西域絕塞茫茫數萬里泛海三年朝上國五嶺以南
盡來庭寸天尺地八圖籍匈奴氣焰本腥羶天子所
憂惟北極

詣國子監謁祭酒周公

偶向成賢洞裏過素王宮殿鬱嵯峨滿庭杉檜風前
亂冒水菁莪雨後多鼓篴紛紜敦禮讓園橋觀聽沸

絃歌如夢不棄他山石
攻玉猶能賴琢磨

題海印寺

人靜庭際半綠陰
銅仙無語影沉沉
分栽琪樹遮珠網
擎出青蓮護寶林
燈照千廊擎白玉
水包四面蘸黃金
登樓一覽蓬萊境
萬歲高峯挿翠岑

帶雨晚回

紫陌香塵濕不飛
太湖流水染苔衣
萬街楊柳東風裏
一箇詩人帶雨歸

素女行

頭上金釵紫小鳳嬌紅鞦韆風花弄練裙縠倚瓊
鋪兩眼瞤色新倥傯十步嬋妍光射人恍如素月窺
空洞欲駐須臾背後者歸騎騰驤不得輟長安少年
遊冶郎幾度相逢空目送細雨和烟暗九達夜來應
作牽情夢

還過漁陽求濟橋
晚發漁陽驛南臨五里河水深分作渡橋斷已成渦
汨沒隨沙轉淒涼閱歲多曾聞路人說安史此經過

岳榆路上有懷

南村北村雨一犁飛塵汨_上翻作泥桑柘青口暗清
巷舊葉採盡新葉齊蠶眠滿箔風日暢蠶老作繭如
甕盎床頭輾輓鳴縑車門外參差翻麥浪東行馬首
迎東風故園歸意愈_上稚子歡迎定何日堦上櫻
桃今正紅

過孤竹古城

天倫爲重萬金輕湛樂和平茅與兄讓國一朝敦大
義採微千載著高名祠堂寂寞春空在城郭荒蕪石
已平悵張臨風傷往事灤河西畔夕陽明

還渡鴨江

跋涉歸來萬事輕
任地華髮鏡中生
鴨江津濶春波暖
松鶻山高暮靄清
去國長卿常苦病
還家季子已知榮
此身未老須行樂
把酒樽對月明

虛白堂詩集卷之四

虛白堂詩集卷之五

男世昌編集

詩

次隋城東樓韻

荷柄亭上蒲一池西風吹袂攬秋思
霜前老樹紅千蠹風裏長楊綠萬垂
酩酊不妨今夕醉歡娛須惜少年時
丈夫心事本磊落莫效牛山空自悲

次富平軒韻

渺上西京府茫上大野東禾田縱橫
卽山色有無中

雀噪千村日牛橫一笛風驅馳竟何益未免感霜蓬

江華懷古

長風捲地陰雲黑胡騎咆哮滿西北人如飛鳥驚虛
弦一朝奔崩避矰弋金城百雉雄郊廛子係孫傳三
百年江曲區區豈容濶萬姓掩泣愁新遷崔氏門庭
開如市四時電焰熏天起君王獨坐愁醉眠太阿倒
柄長脫手南山蒼翠高漠漠架巖鑿谷開樓閣雕甍
畫棟侔魏闕夜半笙歌擁珠箔龍亡虎逝成塵土流
水浮雲自太古山川如昨人民非遺基埋沒委林莽

我來正值重陽節，把酒登高邱古邑繁華宛然
在太平禾黍豐田疇過客紛紛知幾輩吊古無言多
感慨臨風長嘯望宇宙千載英雄今安在

與點馬差使兩貪遊燕尾亭

碧水中分燕尾長驚濤接海送歸航石臺百尺臨空
潤松樹千株化老蒼當日衣冠幾登眺今來風露暗
淒涼憑君須盡樽中酒回首茲遊亦渺茫

次喬桐板上趙政丞韻

眼界茫茫逸興飛斷霞孤鶩日斜時江山千里路長

在身世百年人已非翠岫橫空擯劍戟銀濤瀉海淨
琉璃偶然回首一長嘯時有西風來拂衣

過崇義殿

鵠峯佳氣散如烟搏鴨操鷄兩渺然五百光陰同逝
水四宗功業耀陳編秋山廟宇多寥落夜席頻繁薦
吉蠲聖代不遺王者後來雲相繼住江邊

謁抱川高祖昌寧府院君墓

抱川西面好山川鬱口佳城七十年三代英聲留簡
牘諸孫奕葉映貂蟬豐碑冷落埋林麓古剝荒涼住

澗塹虔奉香燈來再拜仰瞻遺像一潸然

過恭讓王陵

當時種稔盡龍雛誰把犁鋤付老孤
王氏誰能承絕緒民心不忍困泥塗
松山落月飛天鏡漢水祥雲擁斗樞
蕭瑟園陵一坏土無人相呼禁樵蘇

重到富平夜聞雨用韻

此日長爲客何時馬首東一燈明枕上
百慮萃胸中葉落池邊雨鴻飛屋角風
無心理梳櫛兩鬢已成蓬

渡祖江

白雲居士曾渡此一葉扁舟舞雲水風捲波濤入葦
力瀉出胸中不平氣我來今日秋雨餘渡頭風日正
清美長吟擊楫浮中流無限羈愁散空翠李公作賦
余作詩李公盛頌余伸眉行人適自有憂樂天意豈
肯生安危世間賢達無今昔繼公而作知是誰

自公

自公退食自委蛇入室圖書養性怡夜擁洪爐焦鴨
脚朝斟玉斚瀉鵝兒彈琴手澁頰尋譜寫景心閒屢
占詩却笑老來多伎倆欲忘機處更多機

登演福寺塔

金碧煌煌耀夕輝
五層樓閣聳巍巍
回梯若向天心
上駭鳥常從脚底飛
萬落春深紅半墮
四山雲捲翠相圍
憑欄不盡千愁恨
都邑繁華久已非

花園

楓板橋頭一畝園
當時八角殿空存
百叢花盡閭闔
密萬石崗堆烏雀
喧自古逸王多喪國
至今行客暗銷魂
無情獨有庭前草
乘雨年華上毀垣

成均館

十里東門周道長
滿庭松檜鬱蒼上
龍孫今已無遺種
廟貌猶能奉素王
受業諸生多市賈
談經博士卧黌堂
可憐絃誦藏脩地
今見樵歌帶夕陽

王輪寺

傑構荒涼不見僧
黃金大士獨凌增
塵埋禪榻風爲帚
夜暗窓櫺月作燈
野叟耕田穿古砌
行人問路上高陵
嶄巖一片溪頭石
萬古無言閱廢興

延慶宮右基

鵲嶺凌空紫翠浮
龍盤席踞擁神州
安康殿上松千

丈威鳳樓前土一丘羅綺香銷春獨在笙歌聲盡水
空流不須問訊興亡事落日風烟滿目愁

壽昌宮

荒宮寒落枕城隈五百光陰挽不回返照入林啼鳥
開春風滿院雜花開水穿綺陌虹橋斷草合瑤墀雉
尾頽匹馬行人來吊古詩成一笑更徘徊

福靈寺

物華撩我費孤吟行出城西境轉深啼鳥喚人如有
意閒雲出岫自無心堂開突兀黃金狄樓壓參差綠

樹林往事茫茫問無處空餘山色到斯今

朴淵

天磨聖居高挿天兩崖斗絕青山前崖高萬丈凝紫
烟飛泉一派空中懸彷彿白龍下飲川日色倒射金
蜿蜒豪聲觸石瀉銀縷無雲而雷晴亦雨不識造物
為誰怒應借天工憑鬼斧長年汨沒走塵埃今日名
區欣快覩依樹沉吟涼蒲襟一陣風來萬綠舞

觀音窟前溪對月飲酒

天磨山下大叢林對酒騷人坐夜深蒲對飛花迷醉

眼半空靈籟滌塵襟孤輪月聳黃金餅萬疊峯回碧
玉簪莫把繁絃勤一抹潭中恐有水龍吟

雲居寺

紺宇玲瓏洞裏天小溪草合傍山巔殘紅襯繡花枝
亞嫩綠侵江對影偏面壁閣梨揮塵坐蒲堂措大枕
肱眠困來不耐飲唇渴往酌巖間一派泉

歸法寺前溪

炭峴崎嶇御路存洞門深處舊祇園當時冠蓋幾行
樂今日風光空斷魂掃石題詩荒蘚破臨流濯足怒

濤喧一樽酒盡情無盡不怕林間野色昏

花潭

碧山如畫間晴嵐觸石鳴泉落小潭蒲眼奇觀深不
足僕夫嗔我屢停驂

皺巖

雙明往事渺無蹤巖壑參差躑躅紅牛背吟詩乘雪
去何如載酒對春風

東郊觀獵

緹幕如雲並水涯馬尋芳草卧晴坡日斜短麓旗旄

亂風滿平林鼓角譁鹿逸觸機黃耳集雉飛覓藪雪
翎斜壯遊已壓儒酸盡驤轡歸來意氣多

拜穆清殿

豐沛祥雲盪兩儀化家爲國正乘時松陰掩井環清
廟日角昭垂映彩眉世遠本支分奕葉春深雨露倍
增悲小儒稽首丹墀下續賦周公爪阼詩

大平館夜飲

錦茵繡幕圍華堂銀燭隱映輝雕梁酒徒詞客氣揚
揚占騶促膝飛瑤觴堂前數隊羅紅妝堂後簫鼓聲

雷礪落花飛處東風狂行樂正愁春夜忙勸君不須
且彷徨此時此樂殊未央明朝豐德歸路長回首松
岳雲茫茫却憶茲遊還斷腸

敬天寺

曾亡寶塔挿雲霄玉削參差百尺高鈴鐸受風喧洞
壑龍蛇倒影落林臯後人共愛規模巧劫火難燒結
搆牢客至訪僧尋歲月謾將鴉墨染霜毫

登長源亭次大虛韻

海風吹霧暮霏亡日極天涯望更微日落村墟飛鳥

集潮回沙浦片帆飛雲嵐迢遞山空在宮闕荒蕪世
已非與子携壺遊勝地厭々不醉不言歸

題斷月驛

白雨暮來急隨風萬點斜愁懷連客路喜色蒲田家
溪近霖潦漲庭空乳雀譁羊腸從此始嘿々獨含嗟

宿安富驛

小館何寥落明燈坐夜分潏流喧泐々簷溜瀉紛々
亂向空中灑愁從枕上聞東西俱礙阻百慮擾如雲

踰鳥嶺

白頭山勢藏坤靈南作鳥嶺凌空青下壓后土幾百
里去天尺五可捫星巉巖醜石伏獐廂丹崖翠壁張
畫屏竹籬茅屋依夾澗行旅往來填柴局冠蓋幾來
往絕頂有孤亭穿崖有危路去入雲冥上狂風號怒
振林木大雨滿空如建瓴怒瀑瀉萬壑傑響驅雷霆
嶺南繡衣使駟騎不暫停王事自靡盬奔走無由寧
何時過畫崔嵬途未樓翠竹臨江汀排陳絲竹咽左
右千壺萬壺開金醕共說此時苦翛然任醉醒

阻水留尚州偶題北館壁上

畫閣方池上微風枕簟清庭篁新解籜園柿始抽英
北瀨人初到南橋對常平鳴蛙喧兩部亦是暢愁情
到善山與太守金季昱話

蓬飄南北幾多時兩地音書只有詩落月屋梁頻入
夢暮雲春樹不勝思睽離嶺外山千里邂逅軒前酒
一卮駟騎恩々留未住却嫌斜日轉山陲

題若木縣

古縣依林麓人家夾岸分亭楠敷翠影隴麥靄黃雲
院靜多啼鳥樓高對夕曛釘盤新蟹螯始識近江濱

過昌寧縣望火王山

火山巖崿撐蒼穹，此爲鎮壓當其東。
層巒複嶺千萬疊，排雲輻漢高崇。
山川磅礴氣清淑，歷世滾云生英雄。
成曹兩姓多勲閥，聯翩圭組雲從龍。
我今不墜箕裘業，十載昵侍明光宮。
平生夢想今已到，星槎過此意不窮。
不獨鄉曲來邀迓，澤山亦喜爲我容。

次密陽嶺南樓韻

百尺層樓高挿天，清江一曲抱山前。
簾旌輕捲斜陽裏，樹色遙連大野邊。
喚渡鳴榔綠翠壁，背人飛鳥破

蒼烟倚欄身世騰寥廓滿座風生碧玉筵

次梁山雙碧樓韻

朱欄隱映碧溪邊粉壁題詩儘世賢萬里長風資院
嘯一瓢春酒屬蘇仙波紋晴蹙東西岸竹影輕搖上
下天夜久襟期多爽氣坐看明月滿瑤田

次東萊靖遠樓韻

枕上烟雲接海堦一軒佳景屬吟邊日移對影搖歌
扇風送花香蘸舞筵把酒憑欄傷往事登高作賦愧
前賢轅門喜遇詩書將慚愧酸寒孟浩然

溫泉

燭龍潛據黃金湫吐出雲液空中流
炎波蒲瀆晴油油陰火蕩滌無時休
芙蓉花暖涵雲玉日月精華徹
賜谷沉疴可痊垢可陰不隨潢汚混
流俗驪山宮闕高蔽虧靈源一派成
深池太真嬌倩侍女扶雪肥細滑光
凝脂蓬萊亦是神仙境冠蓋紛上多
駐并試携神女浴金環不怕蒲簾風
雨冷
往釜山浦宣慰琉球使臣是日大雨
跪捧綸音下紫宸一壺迎慰遠來人
風濤海徼迷南

北談笑堂中作主賓酒挾春光醺客面雨和恩澤暗
天津雕題卉服爭投化邊圉年上不動塵

海雲臺二首

長風吹捲浪聲豪蜃市連空海若號日出扶桑如尺
咫雲埋馬島少秋臺遠遊自覺懷區隘壯氣多增眼
界高千載孤雲留勝跡不妨懷古醉春醪

巨浸茫上望不窮始知天地似幘幪千里海浪青銅
鏡萬樹山茶碧玉叢左右繽紛羅紛黛古今登眺幾
英雄我來却恨茲遊晚未見繁花雪裏紅

渡三义水二首

雲水蒼茫接海門，沙頭風日易黃昏。
山橫七點金鰲背，水作三义雪浪翻。
舳舻蒲汀紛似簣，茆茨傍岸自成村。
南來好展鵬圖壯，甕裏醯鷄不足論。

黃帽相呼蕩畫船，清樽白石瀉如泉。
驚風吹浪濺羅襪，麗日穿雲照翠鈿。
帆影直隨山影去，笛聲還與櫓聲連。
興酣醉入繁華地，身世逍遙物外仙。

次金海燕于樓韻

綠樹千章盡閤深，木奴飽我一登臨。
虎溪流水朝還

暮盆嶺浮雲古又今
首露陵荒多歲月
招賢始廢幾
晴陰金宮往事尋
無覓付與騷人謾
苦吟

東萊縣令設餞宴

南來海上一旬餘
滿眼風光不負余
節序屢移人事
改歸期已近
雨聲疎
閒携寶瑟調金鴈
醉倒清樽勸
王妣明日又從郊外別
使君何處送行車

題蘇仙驛

冒雨來投驛
清陰滿院時
林深生紫筍
庭暖綻紅葵
覽物悲王事
臨歧侑酒危
詩成題壁上
留與後人知

題梁山澄心軒

澄心軒下水平堤雲捲輪山日脚低推枕西牕飛雨
細竹林深處鷓鴣啼

靈妙寺

古刹荒蒼閱幾春當時遺跡已成塵黃金大像毘盧
佛白玉嬌姿女主身塔影半庭橫百尺鍾聲出谷警
千人苔埽四面多啼鳥駐馬斜陽一愴神

聞新羅玉笛

誰人得此昆山玉巧運心匠雕作笛虹蜺生氣燦光

芒不數雲步柯亭竹聲_口淒絕相續連山石可裂雲
可穿羽音剽疾勢難知調高不入黃鍾絃自從新羅
到今日數千年事灰燼滅惟有此物深韞積鬼神搗
訶期不失老我平生尚恠竒身到鷄林初見之據床
纖指試一弄清風入骨寒颼_口梅花落盡春無香明
月滿天流清光誰言聽此可攄憤只益斷盡愁人腸

鮑石亭

赫居王業如分瓜孱孫不保東都家三風十愆窮奢
華滿城宮殿輝朝霞分沅作沼曲如蛇流觸日_口君

臣譁十里相續香鈿車清歌百隊和箏琶甄王電焰
森莫鄧羽林磨戛雷鼓撾百僚奔走如驚鴉宮女散
盡宮中花關門不守誰能遮萬事委靡隨風沙一朝
蚌蝸相牽拏竟使龍孫有四遐我來吊古空歎嗟石
臺蕪沒綠潏斜興亡往復渺無涯馬上一笑歌楚些

姜太師邯鄲

敵退西京花挿鬢威行北漢廟呈形脩然白日登仙
去依舊青天一點星

自籍田乘月八開城

田疇斷處水浸溪籬落參差綠樹間半醉歸來山月
上野花踈影滿征鞍

虛白堂詩集卷之五

